



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

80 Coadiutores Regibus, & Principibus dari possunt.

urn:nbn:de:hbz:466:1-10316

ut exerceat; verba coadjutoria sunt attendenda, quia, si sunt generalia cum facultate in spiritualibus, & temporalibus, omnia faciendi, gerendi, & exercendi, quæ Episcopus coadjutus facere posset, puto, quod suscepto munere consecrationis, possit ordines, & beneficia conferre, benedictionem solemnem dare, & si fuit datus coadjutor Archiepiscopo, pallium deferre, omniaque alia facere, & exercere, quæ ipse coadjutus facere, & exercere posset, per glossam communiter approbatam. in eod. cap. 1. in ver. officium. de cler. agrot. & Navarr. in cons. 1. n. 1. eod. tit. lib. 3. par. 1. etiam, si talia sint legis diocesanae, vel jurisdictionis, etiam competentis ex delegatione, expresso nomine dignitatis, ubi Episcopus non esset sanæ mentis, ut tenet Dom. & Franc. ibid.

77 Secundò dantur coadjutores ¶ dignitatibus in cathedralibus ecclesiis existentibus, ut de Archidiacono trad. idem Navar. eod. cons. 1. de cler. agrot. in princ. & canonicis etiam dantur coadjutores, & non sine maxima circumspectione, quia ut cathedralibus ecclesiis utiliter provideatur, Papa Clemens VIII. in coadjutores non admittebat personas, quarum sibi mores, & doctrina non essent nota, vel ab ordinariis locorum commendarentur, & his casibus coadjutores cum futura successione à Papa tan-

tum deputari possunt. Abb. in eo. cap. fin. num. 5. de cler. agrotan.

78 Tertio, ¶ dantur coadjutores ecclesiarum parochialium rectoribus, quia ipsi decrepiti, incurabili, aut longa infirmitate detentis, vel amentibus, ne animarum cura negligatur, & fidelium animarum detrimentum patiantur, coadjutores cum congrua portione auctoritatis ordinaria sunt deputandi, eadem ratione, qua cathedralibus ecclesiis coadjutores deputantur, quia ubi militat eadem ratio, eadem juris dispositio esse debet. l. illud. ff. ad l. aquil. §. l. à Titio. ff. de verb. oblig.

79 Quarto coadjutores ¶ dari possunt ex causa, Abbatibus, & etiam Abbatissis, quibus Abbatissis, seu Priorissis alia monialis in coadjutricem potest deputari. Abb. in eod. cap. fin. num. 3. non tamen moniales possunt esse coadjutrices masculorum, quia foemina non debet se immiscere cœteribus virorum. cap. mulieris de jud. lib. 6. & hoc officium est virile, quod non cadit in foeminam. cap. dilectus. de arbit. nec masculus potest deputari coadjutor Abbatissæ. ut per Abb. eod. cap. fin. num. 3. ¶ Regibus quoque, & Principibus, coadjutores dari possunt. cap. grandi. de supplen. neglig. Pralat. in 6. & Abb. in eo. cap. fin. num. 2. de cler. agrotan.